

宋

八
八
詩
選

掃葉山房
石印

宋第二

八代詩選九

五言第七

長沙湘潭王閏運撰

謝惠連

豫章行

軒帆遡遙路。薄送瞰遐江。舟車理殊緬。密友將遠從。九里樂同潤。二華念分峰。集歡宣今發。離歎自古鍾。促生靡緩期。迟景無遲蹤。緇髮迫多素。憔悴謝華豐。婉婉寡留晷。窈窕閑淹龍。如何阻行止。憤愠結心胸。既微達者度。歡戚誰能封。願子保淑慎。良訊代徽容。

塘上行

芳萱秀陵阿。菲質不足榮。幸有忘憂用。移根託君庭。垂穎臨清池。擢彩仰華甍。露渥雲雨潤。歲蕤吐芳馨。願君眷傾葉。留景惠餘明。

汎南湖至石帆

軌息陸塗初。枻鼓川路始。漣漪繁波漾。叅差層峰峙。蕭疎野趣生。逶迤白雲起。登陟苦跋涉。瞬盼樂心耳。即翫翫有竭。在興興無已。

西陵遇風獻康樂一首

我行指孟春。春仲尚未發。趣塗遠有期。念離情無歇。戒裝候良辰。漾舟陶嘉月。瞻塗意少悰。還顧情多闕。其哲凡感。仝別相送越垌林。飲餞野亭館。分袂澄湖陰。悽悽留子言。眷眷浮客心。迴塘隱艫櫓。遠望絕知音。其靡靡即長路。戚戚抱遙悲。悲遙但自弭。路長當語誰。行行道轉遠。去去情彌遲。昨發浦陽汭。今宿浙江湄。其屯雲蔽曾領。驚風涌飛流。零雨潤坎澤。落雪洒林北。浮氛晦崖巘。積素威原疇。曲汜薄停旅。通川絕行舟。其臨津不得濟。伫櫂阻風波。蕭條洲渚際。氣色少諧和。西瞻興遊歎。東睇起悽歌。積憤成疾疴。無萱將如何。其五

代古

客從遠方來。贈我鵠文綾。貯以相思篋。緘以同心繩。裁為親身服。著以俱寢興。別來經年歲。歡心不可陵。寫酒置井中。誰能辨斗升。合如杯中水。誰能判淄澠。

秋懷

平生無志意。少小嬰憂患。如何來苦心。矧復值秋宴。皎皎天月明。奕奕河宿爛。蕭瑟含風蟬。寥唳度雲雁。寒商動清閨。孤燈暖幽幔。耿介繁慮積。展轉長宵半。夷險難預謀。倚伏昧前算。雖好相如達。不同長卿漫。頗悅鄭生偃。無取白衣宦。未知古人心。且從性所翫。賓至可命觴。朋來當染翰。高臺數登踐。清波時陵亂。顏魄不再圓。傾義無

兩旦金石終銷毀。丹青暫凋煥。各勉玄髮歡。無貽白首歎。因歌遂成賦。聊用布親串。擣衣

衡紀無淹度。晷運倏如催。白露滋園菊。秋風落庭槐。肅肅莎雞羽。烈烈寒蜩曉。夕陰結空幕。宵月皓中閨。美人戒裳服。端飾相招攜。簪玉出北房。鳴金步南階。欄高砧響發。櫓長杵聲哀。微芳啟兩袖。輕汗染雙題。紈素既已成。君子行未歸。裁用筥中刀。縫為萬里衣。盈筐自余手。幽絨候君開。朕帶準疇昔。不知今是非。

泛湖歸出樓中望月

日落泛澄瀛。星羅遊輕橈。憩榭面曲汜。臨川對迴潮。輟策共駢筵。並坐相招要。哀鴻鳴沙渚。悲蛩響山椒。亭亭映江月。颼颼出谷飈。斐斐氣冪岫。泫泫露盈條。近矚祛幽蘊。遠視蕩諠囂。晤言不知罷。從夕至清朝。

七月七日夜詠牛女

落日隱欄楹。升月照房櫳。團團滿葉露。折折振條風。蹠足循廣除。瞬目矚曾穹。雲漢有靈匹。彌年闕相從。遐川阻暱愛。修渚曠清容。弄杼不成藻。聳轡驚前蹤。昔離秋已兩。今聚夕無雙。傾河易迴斡。欵顏難久淙。沃若靈駕旋。寂寥雲幄空。留情顧華寢。遙心逐奔龍。沈吟為爾感。情深意彌重。

鮑照

採桑

季春梅始落。女工事蠶作。采桑淇水間。還戲上宮閣。早蒲時結陰。晚篁初解籜。藹藹霧滿閨。融融景盈幕。乳燕逐草虫。巢蜂拾花萼。是節最暄妍。佳服又新爍。綿歎對迴塗。揚歌弄場藿。抽琴試杼思。薦佩果成託。承君郢中美。服義久心諾。衛風古愉艷。鄭俗舊浮薄。靈願悲渡湘。宓賦笑濯洛。盛明難重來。淵意為誰涸。君其且調弦。桂酒妾行酌。

代挽歌

獨處重溟下。憶昔登高臺。傲岸平生中。不為物所裁。樊門已復閉。白蟻相將來。生時芳蘭体。小虫今為災。玄髮無復根。枯體依青苔。憶昔好飲酒。素盤進青梅。彭韓及廉藺。疇昔已成灰。壯士皆死盡。餘人安在哉。

代東門行

傷禽惡弦驚。倦客惡離聲。離聲斷客情。賓御皆涕零。涕零心斷絕。將去復還訣。一息不相知。何況異鄉別。遙遙征駕遠。杳杳白日晚。居人掩閨臥。行子夜中飯。野風吹草木。行子心腸斷。食梅常苦酸。衣葛常苦寒。絲竹徒滿坐。憂人不解顏。長歌欲自慰。彌

起長恨端

代放歌行

夢由避葵董。習苦不言非。小人自齷齪。安知曠士懷。雞鳴洛城裡。禁門平旦開。冠蓋縱橫至。車騎四方來。素帶曳長飈。華纓結遠埃。日中安能止。鐘鳴猶未歸。夷世不可逢。賢君信愛才。明慮自天斷。不受外嫌猜。一言分圭爵。片善辭草萊。宣伊白璧賜。將起黃金臺。今君有何疾。臨路獨遲迴。

代陳思王京洛篇

鳳樓十二重。四戶八綺窗。綉桶金蓮花。桂柱玉盤龍。珠簾無隔露。羅幌不勝風。寶帳三千所。為爾一朝容。揚芬紫煙上。垂絲綠雲中。春吹回白日。霜高落塞鴻。但懼秋塵起。盛愛逐衰蓬。坐視青苔滿。卧對錦筵空。琴瑟縱橫散。舞衣不復縫。古來共歆薄。君意豈獨濃。唯見雙黃鵠。千里一相從。

代白頭吟

直如朱絲繩。清如玉壺冰。何慙風昔意。猜恨坐相仍。人情賤恩舊。世議逐衰興。豪髮一為瑕。北山不可勝。食苗實碩鼠。黠白信蒼蠅。鳬鵠遠成美。薪芻前見陵。申黜褒女進。班去趙姬升。周王日淪惑。漢帝益嗟稱。心賞猶難恃。貌恭豈易憑。古來共如此。非

代東武吟

主人且勿諠。賤子歌一言。僕本寒鄉士。出身蒙漢恩。始隨張校尉。占募到河源。後逐李輕車。追虜窮塞垣。密塗亘萬里。靈歲猶七奔。肌力盡鞍甲。心思歷涼溫。將軍既下世。部曲亦罕存。時事一朝異。孤績誰復論。少壯辭家去。窮老還入門。腰鑱刈葵藿。倚杖牧雞豚。昔如韝上鷹。今似檻中鰥。徒結千載恨。空負百年怨。棄席思君幄。疲馬戀君軒。願垂晉主惠。不愧田子魂。

代出自薊北門行

羽檄起邊亭。烽火入咸陽。徵騎屯廣武。分兵救朔方。嚴秋筋竿勁。虜陳精且彊。天子按劍怒。使者遙相望。雁行緣石徑。魚貫度飛梁。蕭鼓流漢颶。旌甲被胡霜。疾風衝塞起。沙礫自飄揚。馬毛縮如蝟。角弓不可張。時危見臣節。世亂識忠良。投軀報明主。身死為國殤。

代陸平原君子有所思行

西上登雀臺。東下望雲闕。層閣肅天居。馳道直如髮。綉甍結飛霞。璇題納行月。築山擬蓬壺。穿池類溟渤。選色遍齊岱。徵聲市邛越。陳鐘陪夕燕。笙歌待明發。年貌不可

還身意會盈。歔螳壤漏山河。絲淚毀金骨。器惡含滿歎。物忌厚生沒。智哉衆多士。服理辨昭晰。

代陳思王白馬篇

白馬梓角弓。鳴鞭乘北風。要塗問邊急。雜虜入雲中。閉壁自往復。清野徑還冬。儔裝多關絕。旅服少裁縫。埋身守漢節。沈命對胡封。薄莫塞雲起。飛沙被遠松。含悲望兩都。楚歌登四墉。丈夫設計誤。懷恨逐邊戎。棄別中國愛。邀冀胡馬功。去來今何道。卑賤生所鍾。但令塞上兒。知我獨為雄。

代昇天行

家世宅闕輔。勝帶官王城。備聞十帝事。委曲兩都情。倦見物興衰。驟覩俗屯平。翩翻若回掌。恍惚似朝榮。窮塗悔短計。晚志重長生。從師入遠嶽。結友事仙靈。五圖發金記。九籀隱丹經。風餐委松宿。雲臥恣天行。冠霞登彩閣。解玉飲椒庭。暫遊越萬里。少別數千齡。鳳臺無還駕。簫管有遺聲。何當與汝曹。啄腐共吞腥。

代堂上歌行

四座且莫諠。聽我堂上歌。昔仕京洛時。高門臨長河。出入重宮裡。結友曹與何。車馬相馳逐。賓朋好容華。陽春孟韶月。朝光散流霞。輕步逐芳風。言笑弄丹葩。輝輝朱顏

八
仙
詞
選
卷二
醜紛紛織女梭。滿堂皆美人。目成對湘娥。雕謝侍君間。明妝帶綺羅。第笛更彈吹。高唱好且和。萬曲不關心。一曲動情多。欲知情厚薄。更聽此聲過。

代結客少年場行

聽馬金絡頭。錦帶佩吳鉤。失意杯酒間。白刃起相仇。追兵一旦至。負劍遠行游。去鄉三十載。復得還舊州。升高臨四關。表裡望皇州。九街平若水。雙闕似雲浮。扶宮羅將相。夾道列王侯。日中市朝滿。車馬若川流。擊鐘陳鼎食。方駕自相求。今我獨何為。墮懷百憂。

代邊居行

少年遠京陽。遙遙萬里行。陋巷絕人徑。茅屋催山岡。不覩車馬跡。但見麋鹿場。長松何落落。北隴無復行。邊地無高木。蕭蕭多白楊。盛年日月盡。一去萬恨長。悠悠世中人。爭此錐刀忙。不憶貧賤時。富貴輒相忘。紛紛徒滿目。何關予慨傷。不如一畝中。高會挹清漿。遇樂便作樂。莫使候朝光。

代邽街行

伫立出門衢。遙望轉蓬飛。蓬去舊根在。連翩逝不歸。念我捨鄉俗。親好久乖違。慷慨懷長想。惆悵戀音徽。人生隨事變。遷化馬可祈。百年難必果。千慮易盈虧。

蕭史曲

蕭史愛長年。羸女羞童顏。火粒願排棄。霞霧好登攀。龍飛逸天路。鳳起出秦關。身去長不返。簫聲時往還。

侍宴覆舟山二首

息雨清上郊。開雲照中縣。游軒越丹居。輝燭集涼殿。凌高躋飛楹。追焱起流宴。桓苑含靈群。岳庭藏物變。明輝燦神都。麗氣冠華甸。目遠幽情周。醴洽深恩遍。繁霜飛玉闥。暖景麗皇州。清蹕戒馳路。羽蓋伋宣游。神居既崇盛。岩險信環周。禮俗陶德聲。昌會溢民謳。勲無勝化質。謬從雲雨游。

從拜陵登京峴

孟冬十月交。殺盛陰欲終。風烈無勁草。寒甚有凋松。軍井冰畫結。士馬壘夜重。晨登峴山首。霜雪凝未通。息鞍循隴上。支劍望雲峰。表裡觀地險。昇降究天容。東嶽覆如礪。瀛海安足窮。傷哉良永矣。馳光不再中。哀賤謝遠願。疲老還舊邦。深德竟何報。徒令田陌空。

蒜山被使興王命作

暮冬霜朔嚴。地閉泉不流。元武藏大陰。丹鳥還養羞。勞農澤既周。役車時亦休。高薄

符好舊。藻駕及時遊。鹿苑豈淹睎。免園不足留。升嶠眺日軌。臨迴望滄洲。雲生玉堂裡。風靡銀臺殿。破石類星縣。嶼木似煙浮。形勝信天府。珍寶麗皇州。白日回清景。芳宴洽歡柔。叅差出塞吹。飄戾江上謳。王德愛文雅。飛翰儷鳴球。美哉物會昌。衣道服光猷。

登廬山

縣裝亂水區。薄旅次山楹。千岩盛阻積。萬壑勢回縈。巖嶮高昔貌。紛亂襲前名。洞澗窺地脉。聳樹隱天經。松磴上迷密。雲竇下縱橫。陰冰寔夏結。炎樹信冬榮。嘈囋晨鷗思。叫嘯夜猿清。深崖伏化跡。穹岫閎長靈。乘此樂山信。重以遠遊情。方躋羽人塗。永與烟霧并。

登廬山望石門

訪世失隱淪。從山異靈士。明發振雲冠。升嶠遠棲止。高岑隔半天。長崖斷千里。氛霧承星辰。潭壑洞江汜。嶮絕類虎牙。巔岼象熊耳。埋冰或百年。韜樹必千祀。雞鳴清澗中。猿獻白雲裡。瑤波逐穴開。霞石觸峰起。迴互非一形。叅差悉相似。傾聽鳳管賓。緬望釣龍子。松桂盈鄴前。如何穢城市。

從登香爐峯

辭宗盛荆夢。登歌美鳧繹。徒收杞梓饒。曾非羽人宅。羅景謫雲扃。雷光扈龍策。御風親列涂。乘山窮禹跡。含嘯對霧岑。延蘿倚峰壁。青冥搖烟樹。穹跨負天石。霜崖滅土膏。金澗測泉脉。旋淵抱星漢。乳竇通海碧。谷館駕鴻人。岩棲阻丹客。殊物藏珍怪。奇心隱仙籍。高世伏音華。綿古遯精魄。蕭瑟生哀聽。叅差遠驚覲。慚無獻賦才。洗汗奉豪帛。

從庾中郎游園山石室

荒塗趣山楹。雲崖隱靈室。岡澗紛重抱。林障沓重密。昏昏磴路深。活活梁水疾。幽隅秉畫燭。地牖窺朝日。怪石似龍章。瑕璧麗錦質。洞庭安可窮。漏井終不溢。沈空絕景聲。崩危坐驚慄。神化豈有方。妙象竟無跡。至哉鍊玉人。處此長自畢。

登翻車峴

高山絕雲霓。深谷斷無光。晝夜淪霧雨。冬夏結寒霜。淖阪既馬嶺。磧路又羊腸。畏塗疑旅人。忌輟覆行箱。升岑望原陸。四眺極川梁。游子思故居。離客遲新鄉。新知有客慰。追故遊子傷。

登黃鶴磯

水落江渡寒。雁還風送秋。臨流斷商絃。瞰川悲棹謳。適郢無東轅。遷夏有西浮。三崖

隱丹磴。九派引滄流。淚竹感湘別。弄珠懷漢游。宣伊藥餌泰。得奪旅人憂。

贈故人馬子喬六首

躑躅城上羊。攀隅食玄草。俱供日月輝。昏明獨何早。夕風飄野籜。飛塵被長道。親愛

難重陳。懷憂坐空老。

寒灰滅更然。夕華晨更鮮。春冰雖暫解。冬水復還堅。佳人舍我去。賞愛絕長緣。歡至

不留日。感物輒傷年。

松生隴坂上。百尺下無枝。東南望河尾。西北隱崑崖。野風振山籟。朋鳥夜驚離。悲涼

貫年節。葱翠恆若斯。安得草木心。不怨寒暑移。

種橘南池上。種杏北池中。池北既少露。池南又多風。早寒逼晚歲。哀恨滿秋容。湘濱

有靈鳥。其字曰鳴鴻。一抱繒繳痛。長別遠無雙。

皎如川上鵲。赫似握中丹。宿心誰不欺。明白古所難。憑楹觀皓露。洒洒盪憂顏。永念

平生意。窮光不忍還。淹留徒攀桂。延伫空結蘭。

雙劍將離別。先在匣中鳴。烟雨交將夕。從此遂分形。雌沈吳江水。雄飛入楚城。吳江

深無底。楚關有崇扃。一為天地別。豈直限幽明。神物終不隔。千祀儻還并。

日落望江贈荀丞

旅人乏愉樂。薄暮增思深。日落嶺雲歸。延頸望江陰。亂流瀟大壑。長霧弔高林。林際無窮極。雲邊不可尋。惟見獨飛鳥。千里一揚音。推其感物情。則知游子心。君居帝京內。高會日揮金。豈念慕群客。咨嗟戀景沈。

秋日示休上人

枯桑葉易零。疲客心易驚。今茲亦何早。已聞絡緯鳴。回風滅且起。卷蓬息復征。愴愴簞上寒。悽悽帳裡清。物色延暮思。霜露逼朝榮。臨堂觀秋草。東西望楚城。百物方蕭瑟。坐歎從此生。

吳興黃浦亭庾中郎別

風起洲渚寒。雲上日無輝。連日眇煙霧。長波迴難依。旅雁方南過。浮客未西歸。已經江海別。復與親眷違。奔景易有窮。離懷安可揮。懽觴為悲酌。歌服成泣衣。溫念終不渝。藻志遠存追。役人多牽滯。顧路慙奮飛。昧心附遠翰。炯言藏佩韋。

送別王宣城

發郢流楚思。涉淇興衛情。既逢青春獻。復值白蘋生。廣望周千里。江郊藹微明。舉爵自惆悵。歌管為誰清。賴陰騰前藻。淮陽流昔聲。樹道慕高華。屬路仵微馨。送從弟道秀別。

參差生密念。躑躅行思悲。悲思密光景。密念盈歲時。歲時多阻折。光景乏安怡。以此苦風情。日夜驚縣旂。登山臨朝日。揚袂別所思。浸淫旦朝廣。爛漫宿雲滋。天陰懼先發。路遠常早辭。篇詩後相憶。杯酒今無持。游子苦行役。冀會非遠期。贈傅都曹別

輕鴻戲江潭。孤雁集洲汜。邂逅兩相親。緣念共無已。風雨好東西。一隔頓萬里。追憶棲宿時。聲容滿心耳。落日川渚寒。愁雲繞天起。短翮不能翔。裴回烟霧裡。和傅大農與僚故別

絕節無緩響。傷雁有哀音。非同年歲意。誰共別離心。伊昔謬通塗。冠履預人林。浮江望南嶽。登潮窺海陰。孰謂遊居淺。慕美久相深。萋萋春草秀。嚶嚶喜候禽。晨物盡明茂。尊盛獨幽沈。之子安所適。我方棲舊岑。墜歡豈更接。明愛貌難尋。送盛侍郎餞候亭

霜霜襲冠帶。驅駕越城闔。北臨出塞道。南望入鄉津。高墉宿寒霧。平野起秋塵。君為坐堂子。我乃負羈人。欣悲豈等志。甘苦誠異身。結涕園中草。憔悴悲此春。與荀中書別

勞舟厭長浪。疲旆倦行風。連翩感孤志。契闊傷賤躬。親交篤離愛。眷戀置酒終。敷文

勉征念發。藻慰愁容。思君吟涉。有撫已謠。渡江慙無黃鶴翅。安得久相從。願遂宿知意。不使舊山空。

還都道中三首

悅懌遂還心。踴躍貪至勤。鳴雞戒征路。莫息落日分。急流騰飛沫。回風起江濱。孤獸曉夜侶。離鴻噪霜群。物哀心交橫。聲切思紛紜。歎慨訴同旅。美人無相聞。風急訊灣浦。裝高偃檣舳。夕聽江上波。遠極千里目。寒律驚窮蹊。爽氣起喬木。隱隱日沒岫。瑟瑟風發谷。鳥還莫林喧。潮上冰結澗。夜分霜下淒。悲端出遙陸。愁來攢入懷。羈心苦獨宿。

久宦迷遠川。川廣每多懼。薄止間邊亭。關歷險程路。靈霽冥隅岫。濛眊江上霧。時涼籟爭吹。流洊浪奔趣。惻焉增愁起。搔首東南顧。茫然荒野中。舉目皆凜素。回風揚江泌。寒禽棲動樹。太息終晨漏。企我歸颺遇。

上潯陽還都道中

昨夜宿南陵。今旦入蘆洲。客行惜日月。崩波不可留。侵星赴早路。畢景逐前傳。鱗鱗夕雲起。獵獵曉風遒。騰沙鬱黃霧。翻浪揚白鷗。登艫眺淮甸。掩泣望荆流。絕目盡平原。時見遠烟浮。倏忽坐還合。俄思甚兼秋。未嘗違戶庭。安能千里遊。誰令乏古節。貽

此越鄉憂。

還都至三山望石頭城

泉源安首流。川未澄遠波。晨光被水族。曉氣歇林阿。兩江皎平迥。三山鬱駢羅。南帆望越嶠。北榜指齊河。關局繞天邑。襟帶抱尊華。長城非壑嶮。峻阻似荆牙。攢樓貫白日。擣堞隱丹霞。征夫喜觀國。遊子遲見家。流連入京引。躑躅望鄉歌。彌前歎景促。逾近勸路多。偕萃猶如茲。弘易將謂何。

還都口號

分壤蕃帝華。列正藹皇宮。禮讌及年暇。朝奏因歲通。維舟歇金景。結棹俟昌風。鉦歌首寒物。歸吹踐開冬。陰沈烟塞合。蕭瑟涼海空。馳霜急歸節。幽雲慘天容。旌鼓貫元塗。羽鷁被長江。君王遲京國。游子思鄉邦。恩世共淪洽。身願兩扳逢。勉哉河濟客。勤爾尺波功。

行京口至竹里

高柯危且竦。鋒石橫復仄。複澗隱松聲。重崖伏雲色。冰閉寒方壯。風動鳥傾翼。斯志逢凋嚴。孤游值曠逼。兼塗無憩鞍。半寂不遑食。君子樹令名。細人効命力。不見長河水。清濁俱不息。